

四庫全書

史部

# 欽定四庫全書

史部

御定月令輯要卷三

詳校官監察御史<sub>臣</sub>查瑩

檢討<sub>臣</sub>德生覆勘

總校官知縣<sub>臣</sub>繆珙

校對官編修<sub>臣</sub>周厚轅

謄錄監生<sub>臣</sub>龔詒安

欽定四庫全書

御

定月令輯要卷三

每月令

天道

大月小月

增書

二曰月疏三曰月從朔至晦大月三十

大小月天道左旋日月東行日日行一度月日行十三

度月及日為一月至二十九日未及七度即三十日者

過行七度日不可分故月作大小明有陰陽周髀算經

六十則小月之積分也

大月如經月之積分四

百四十一得二萬八千二百則大月之積分也

御定月令輯要

一

朧朧

原尚書大傳晦而月見西方謂之朧朧而月見東方謂之朧亦謂之側匿

決日

增周禮挾日而歛之注從甲至甲謂之挾日按挾與決同原國語遠不過三月近不過決日

日月交道

增左傳日月之行疏日之行天一行天一歲一周月之行天二十九日有餘已得一周日月異道

互相交錯月之一周必半在日道裏從外而入內也半在日道表從內而出外也或六入七出或七入六出凡

十三出入而與日一會歷家謂之交道交在望前朔則日食望則月食交在望後望則月食後月朔則日食

月有餘分

增左傳凡分至啟閉必書雲物疏古之為歷者皆舉其大數周年有三百六十五日四分

日之一分為十二月則一月各有三十日十六分日之七是故從前月初節至後月初節必三十日有餘也

斗柄

增左傳七音疏斗柄所建月移一次

五行妃合

增左傳火水妃疏陰陽之書有五行妃合之說甲乙木也丙丁火也戊己土也庚辛金也

壬癸水也木克土土克水水克火火克金金克木木畏

為壬妃也水畏土以癸為戊妃也土畏木以巳為甲妃也

三旬

增管子月有上下中旬京氏易畧初爻十日為上旬二爻十日為中旬三爻十日為下旬三旬三十

日積旬成月積月成年

月節

原范子月行疾二十九日三十日間一與日合取日之度為月節

孤虛

增史記龜策傳日辰不全故有孤虛注甲乙謂之日子丑謂之辰六甲孤虛法甲子旬中無戌亥戌

亥即為孤辰巳即為虛甲戌旬中無申酉申酉為孤寅卯為虛甲申旬中無午未午未為孤子丑為虛甲午旬

欽定四庫全書

御定月令輯要

二

中無辰巳辰巳為孤戌亥為虛甲辰旬中無寅卯寅卯為孤申酉為虛甲寅旬中無子丑子丑為孤午未為虛

陰陽歷

增漢書律歷志一月之日二十九日八十一分日之四十三先藉半日名曰陽歷不藉名曰陰

歷所謂陽歷者先朔月生陰歷者朔而後月廼生

朔望會

增漢書律歷志參天數二十五兩地數三十是為朔望之會

朔晦弦望

增漢書李尋傳月者衆陰之長銷息見伏百里為品千里立表萬里連紀朔晦正終始弦

為繩墨望成君德原隋書天文志月者陰之精也其形圓其質清日光照之則見其明日光所不照則謂之魄故月望之日日月相望人居其間盡觀其明故形圓也二弦之日日照其側人觀其傍故半明半魄也晦朔之日日照其表人在其裏故不見也增郭璞遊仙詩晦朔如循環月盈已復魄

月魄東西

原法言月未望則載魄於西既望則終魄於東其遡於日乎注遡迎也

步術生

增後漢書律歷志月有晦朔星有合見月有弦望星有留逆其歸一也步術生焉

月朝中夕

原後漢書五行志六沴注上旬為月之朝中旬為月之中下旬為月之夕

兩弦

原參同契上弦兌數八下弦艮亦八兩弦合其精乾坤體乃成

月歸功於日

原白虎通月之為言闕也闕有滿有闕所以有闕何歸功於日也八日成光二八十六

日轉而歸功晦至朔旦受符復行

積日成月

增白虎通改正者非改天道也但改日月耳日月右行故改正亦右行也日尊於月不言

正日言正月何也積日成月物隨月而變故據物為正也

景星

原孫氏瑞應圖景星者大星也狀如半月生於晦朔助月為明王者不敢私人則見

白黑博義

原唐書歷志九執歷者出於西域望前曰白博又望後曰黑博又

月建直宿

增嬾真子錄西域十二月所建各以所直二十八宿名之如中國建寅之類

白月黑月

原嬾真子錄月生至滿謂之白月月虧至晦謂之黑月

月滿為一月

增嬾真子錄中國以月晦為一月而天竺以月滿為一月

日月為易

增路史日月為易謂之日月而於文正為勿勿月彩之散者也故月散於日下為易散於

日上為智相對為明對而虧為昐易者朔也所謂朔易智者晦也明者望也昐者望而食者也

月出

增蠡海集太陰之行與日同宮為晦朔對宮為望初一二卯時出初三四辰時出初五六巳時出初



七八九午時出初十一未時出十二三申時出十四  
五六酉時出十七八戌時出十九二十亥時出二十一  
二子時出二十四五丑時出二十六  
七八九寅時出三十日亦卯時出也

陽甲陰甲

增雲笈七籤每甲子六十日為一甲人間有  
六十甲為陰甲天上有六十甲為陽甲每十

日一甲盡半夜天上降陽甲十日續陰甲陰陽不孤生  
炁相續即人無病若十日一甲盡半夜陽甲不降即人  
生病

五運六氣

原楊升菴外集占驗家五運皆起於月初天  
氣之先至乾知大始也六氣皆起於月中地

氣之後應坤  
作成物也

氣候

增選擇歷書五日一候者六候五六  
三十日也三候一氣者十五日也

兩值日

增選擇歷書歷家以建除滿平定執破危成收開閉凡十二日周而復始觀所值以定吉凶每

交一月節必疊兩值日如正月寅日值建二卯三辰之類與斗杓所指相應

神殺出遊

增選擇歷書太歲已下神殺出遊日甲子日東遊已日還位丙子日南遊辛巳日還位

戊子日遊中宮癸巳日還位庚子日西遊乙巳日還位壬子日北遊丁巳日還位

日次

初一日

聽朔

增禮天子聽朔於南門之外注明堂在國之陽每月就其時之堂而聽朔焉又諸侯皮弁以聽朔於

太廟舊唐書禮儀志合宮聽朔闡皇軒之茂範

告朔朝廟

增周禮春官大史頒告朔於邦國注天子頒朔於諸侯諸侯藏之祖廟至朔朝于廟告而

受行之公羊傳閏月不告月猶朝於廟注諸侯受十二月朔政于天子藏于太祖廟每月朔朝廟使大夫南面奉天子命君北面而受之比時使有司先告朔謹之至也受于廟者孝子歸美先君不敢自專也穀梁傳天子朝日諸侯朝朔

朝服而朝

原論語吉月必朝服而朝注吉月月朔也朝服皮弁服與君視朔之服也魯自文公不行

視朔之禮孔子恐其禮廢故每於月朔必衣此朝服而朝於君所謂我愛其禮也

省銘

原逸周書周公曰五德既明民乃知常武王再拜曰嗚呼允哉乃召昆吾治而銘之金版藏府而朔

之注昆吾古之利治也  
朔月旦朔省之也

祓龜

增史記龜策傳以日旦祓龜先以清水澡之以卯

皆祓之以卯東向立灼以荆若剛木土卯指之者三持龜以卯周環之祝曰今日吉謹以梁卯煇黃祓去玉靈

之不祥玉靈必信以誠知萬事之情辨兆皆可占正義

言卜不中以土為卯三度指之三周統之用厭不祥也

日月從朔

原古三墳日月從朔聖人以推氣候

朔旦

增參同契朔旦為復陽氣始通出入無疾立表微剛

火候

原參同契朔旦屯三三直事至暮蒙三三當受晝夜各一卦用之依次序朱子注此乃六十卦之凡

例一月而一周蓋六十四卦除乾坤坎離為爐竈丹藥所用以為火候者止六十卦也

定朔

增後漢書律歷志徵能術者課校諸歷定朔稽元五代史司天考測圭箭以候氣審臍胸以定朔

上月歷

原後漢書禮儀志禮威儀每月朔旦太史上其月歷有司侍郎尚書見讀其令奉行其政

月朔

原釋名朔蘇也月死復蘇生也

月朔日朝

增白虎通月言朔日言朝何朔之言蘇也明消更生故言朔日晝見夜藏有朝夕故言朝

也

月額

原金樓子旦日雨謂之月額增袁士元喜雨詩天瓢乍滴終傾倒月額初開漸復連

拜孔揖顏

增隋書禮儀志每月旦祭酒領博士以下及國子諸學生以上太學四門博士升堂助教

以下太學諸生階下拜孔揖顏日出行事郡學則於坊內立孔顏廟博士以下亦每月朝

宗廟月祭

增唐書禮樂志譙周祭志天子始祖高祖曾祖祖考之廟皆月朔加薦以象平生朔食謂

之月祭二祧  
之廟無月祭

表參起居

增唐書百官志皇帝巡幸兩京文武官職事五品以上月朔以表參起居

朔日讀令

增唐書韋縯傳開元二十六年詔縯奏月令一篇朔日於宣政側設榻東向置案縯坐讀

之諸司官長  
悉升殿坐聽

書朔日甲乙

增唐六典起居郎掌記天子法度以修記事之史凡記事之制必書朔日甲乙以紀

歷數

謝食

增五代會要乾符後月旦入閣日賜食禮畢閣門放仗群臣俱拜謂之謝食

高年會

原宋史張載傳為雲巖令每月吉具酒食召鄉人高年會縣廷親為勸酬使人知養老事長之

義因問民疾苦及告  
所以訓戒子弟之意

飲勞老者

增宋史張戢傳戢知金堂縣以奉錢為酒食  
月吉召老者飲勞使其子孫侍勸以孝弟民

化其德所至  
獄訟日少

月一盤

增清異錄蜀孟昶月旦必素飡性  
喜薯藥左右因呼薯藥為月一盤

聖姑廟

增太平廣記吳興郡界首有洞庭山山中聖姑  
祠廟在焉姑姓李氏有道術能履水行其夫殺

之至今向七百歲而顏貌如生儼然側卧遠近祈禱者  
心至則能到廟心若不至風迴其船無得達者今每月  
一日沐浴為除爪  
甲每日粧飾之

催生

增東京夢華錄凡孕婦入月於初一日父母家以  
銀盆或錢或綵畫盆盛粟稗一束上以錦繡或生

色怕複蓋之上插花朶及通草帖羅五男二女花樣用盤合裝送饅頭并作眠羊卧鹿羊生果實并牙兒衣物之襦籍等謂之催生

神后土

增本草綱目逐月旦日取神后土泥屋之四角及塞鼠穴一年鼠皆絕迹

節日用

增林下清錄子瞻到黃廩食既絕痛自節儉日用不得過百五十文每月朔取四千五百錢斷

為三十塊掛屋梁上平旦取一塊給一日之用餘則別貯以給賓客

交月雨

原吳下田家志上旬交月雨謂朔日之雨也主月內多雨

影堂常祭

增元史祭祀志影堂常祭每月初一日初八日十五日二十三日

十天下降

原藏經是日宜奏章祈禱



十直齋日

原感應篇太上老君演說每月十直齋日當齋之日致心誦聖號一日一夜不輟足以通

達三戒迪安羣邪初一日念無量太華天尊洞元靈寶月十齋一日北斗下

太白遊方

原選擇歷書太白逐日遊方忌迎婚嫁娶往來抵向一日正東

人神

原選擇歷書逐日人神所忌針灸一日在足大指

初二日

月生魄

原說文月始生魄然也注承大月月生二日謂之魄

火候

原參同契朝需三三暮訟三三

太白遊方

原選擇歷書二日東南

人神

原選擇歷書  
二日在外課

初三日

哉生明

原書哉生明傳哉始  
也始生明月三日

月未成明

原說文朏月未成明也注  
承小月月生三日謂之朏

震見庚方

原參同契三日出為爽震庚受西方朱子注  
三日第一節之中月生明之時也蓋始受一

陽之光為震而昏  
見於西方庚地

火候

原參同契朝師  
三三暮比三三

月成魄

原易乾鑿度  
月三日成魄

潮旺

增性理大全古洲馬氏曰  
朔後三日明生而潮旺

月下橫雲

原農政全書新月下黑雲橫截主來日雨  
諺云初三月下有橫雲初四日裏雨傾盆

太白遊方

原選擇歷書  
三日正南

人神

原選擇歷書  
三日在股內

初四日

火候

原參同契朝小畜  
三三暮履三三

太白遊方

原選擇歷書  
四日西南

人神

原選擇歷書  
四日在腰

初五日

火候

原參同契朝泰  
三三暮否三三

京官朝參

原春明退朝錄  
詳見初一日

月忌

增詳見  
民用

更半月

增田家五行初  
五夜裏更半月

太白遊方

原選擇歷書  
五日正西

人神

原選擇歷書  
五日在口

初六日

火候

原參同契朝同人  
三三暮大有三三

太白遊方

原選擇歷書  
六日西北

人神

原選擇歷書  
六日在手

初七日

火候

原參同契朝謙  
三三暮豫三三

講經

增宋史林靈素傳被旨修道書改正諸經醮儀校  
丹經靈篇刪修注解每遇初七升座講聽講皆宰

執百官三衙親王中  
貴士庶觀者如堵

太白遊方

原選擇歷書  
七日正北

人神

原選擇歷書  
七日在內課

初八日

上弦

原詩如月之恒箋月上弦而就盈疏月體正半昏而中似弓之張而弦直謂上弦也增王褒咏月詩

上弦如半璧初魄似蛾眉元稹詩微露上弦月暗焚初夜香

兌受丁

原參同契八日兌受丁上弦平如繩朱子注八日第二節之中月上弦之時受二陽之光為兌

而昏見於南方丁地

火候

原參同契朝隨三三暮蠱三三

月成光

原易乾鑿度月八日成光

月弦

原釋名弦月半之名也其形一  
旁曲一旁直若張弓施弦也

初弦

原杜甫詩雲掩初  
弦月香傳小樹花

致月在弦

增陳氏周禮解古之致月者不在立春立秋  
而常在二分不在二分之望而常在弦者以

月入八日與不盡八日  
得陰陽之正平故也

影堂常祭

增詳見  
初一日

燃塔燈

增冷然志京師天寧寺塔建於隋開皇末規制  
特異上為扶闌闌四周架鐵燈三層凡三百六

十盞每月八  
日注油燃之

受持八戒

增法苑珠林每月八日四天王大臣遍  
行世間次第觀察當於是日受持八戒

十天下降

原見前

十直齋日

原感應篇初八日念元上玉晨天尊詳見初一日洞元靈寶月十齋八日北斗司殺君下

太白遊方

原選擇歷書八日東北

人神

原選擇歷書八日在腕

初九日

火候

原參同契朝臨三三暮觀三三

太白遊方

原選擇歷書九日中方

人神

原選擇歷書九日在尻



初十日

火候

原參同契朝噬嗑  
三三暮賁三三

南極降

原道書長生護身保命天尊  
下降宜祈禱作會修齋等事

太白遊方

原選擇歷書  
十日在天

人神

原選擇歷書  
十日在腰背

十一日

火候

原參同契朝剝  
三三暮復三三

太白遊方

原選擇歷書  
十一日正東

人神

原選擇歷書十一日在鼻柱

十二日

火候

原參同契朝无妄三三暮大畜三三

車轄鳳凰

增續齊諧志漢宣帝以卓蓋車一乘賜霍光悉以金鉸具至夜車轄上金鳳凰輒亡去至

曉乃還守車人亦常見後南郡黃君仲北山羅鳥得鳳凰入手即化成紫金毛羽冠翅宛然具足可長尺餘守

車人列上云今月十二日夜車轄上鳳凰俱飛去曉則不返恐為人所得光具以列上後數日君仲詣闕上鳳

凰子云十二夜北山羅鳥所得帝聞而疑之置承露盤上俄而飛去帝使尋之直入光家止車轄上乃知信然

帝取其車每游行即乘御之

天亮月

增田家五行十  
二夜裏天亮月

太白遊方

原選擇歷書  
十二日東南

人神

原選擇歷書十  
二日在髮際

十三日

火候

原參同契朝頤三  
三暮大過三三

太白遊方

原選擇歷書  
十三日正南

人神

原選擇歷書十  
三日在牙齒

十四日

月幾望

增易月幾望註充乎陰德之盛故曰月幾望

火候

原參同契朝咸三三暮恒三三

月忌

增詳見民用

十直齋日

原感應篇十四日念度仙上聖天尊詳見初一日洞元靈寶月十齋十四日太一使者下

十天下降

原見前

太白遊方

原選擇歷書十四日西南

人神

原選擇歷書十四日在胃脘

十五日

乾體成

增參同契九二見龍和平有明三五德就乾體乃成朱子注十五日第三節之中月既望之時

全受日光盛滿而昏見於東方之甲地是為乾體

火候

原參同契朝遯三暮大壯三三

望舒圓

增淮南子月御曰望舒張協詩下車日匪直望舒圓舒三五圓謝朓詩借問下車日匪直望舒圓

日月相望

原釋名望月滿之名也月大十六日小十五日日在東月在西遙相望也

三五

增傳元詩團圓三五月皎皎濯清暉江總賦得明月三五滿詩三五兔輝成浮雲冷復輕隻輪非戰

返團扇少歌聲雲前來往色水上動搖明况復高樓照何嗟攬不盈

吐氣屬月

增廣異記海中有洲從廣數千里洲上有物狀如蟾蜍數枚大者周廻四五百里小者或

百餘里每至望夜口吐白  
氣上屬於月與月爭光

銅劍有光

增異聞錄薛俠獲一銅劍長四尺劍連於靶  
靶盤龍鳳之狀左文如火焰右文如水波光

彩灼爍非常物也每月十五日天地  
晴朗置之暗室自然有光傍照數丈

寶母

原原化記唐魏生者舟行至虔州界雨後登岸忽  
於砂磧間見地氣直上衝數十丈尋之石間見石

片如手掌大狀如甕片半青半赤取歸致之書篋嘗因  
胡客寶會出以示之衆遂求生請市此寶恣其所索如  
至千萬問此寶名曰此寶母也但每月望本國王自出  
海岸設壇致祭之以此置壇上一夕明珠寶貝等皆自  
聚故名

寶母

栢枕

增虛谷間抄余靖知桂州府境窮僻處有林木延  
袤數十里每月盈之夕輒有笛聲發於林中公遣

人尋之其聲自大柏中出乃伐取以為枕笛聲如期而發甚愛惜之公季弟命工解視但見木之文理正如人於月下吹笛之像

影堂常祭

增詳見  
初一日

說戒

增法苑珠林如來將五百羅漢常以月十五日於中說戒

嚙月精

增雲笈七籤食月之精常以月十五日向月祝曰月君子光與我合德養我丹田中小童子因

瞑目念月白黃精炁來下在目前入口中咽之三七而止以手摩送之下至丹田之中丹田中炁正赤氣中有  
一人長九分小童子也衣朱衣故丹田中赤外黑左青  
右黃上白五色氣已具但以月託腎腎得月精乃得升  
沉病愈  
疾除

十天下降

原見前

十直齋日

原感應篇十五日念玉寶皇上天尊詳見初一日洞元靈寶月十齋十五日天帝及三官

俱下

太白遊方

原選擇歷書十五日正西

人神

原選擇歷書十五日在偏身

剃頭忌

增選擇歷書剃頭忌每月十五日

十六日

哉生魄

原書哉生魄傳始生魄月十六日明消而魄生增李商隱詩玉輪顧兔初生魄鐵網珊瑚未有



枝

旁生魄

增逸周書旁生魄注旁廣大月大時也又既旁生魄注此於甲乙十六日也

見巽辛

增參同契十六轉受統巽辛見平明朱子注十六日第四節之始也始受下一陰為巽而成魄

以平旦而沒於西方辛地

火候

原參同契朝晉三三暮明夷三三

二八

增李嶠月詩二八時

太白遊方

原選擇歷書十六日西北

人神

原選擇歷書十六日在胸

十七日

火候

原參同契朝家人  
三三暮睽三三

太白遊方

原選擇歷書  
十七日正北

人神

原選擇歷書十  
七日在氣衝

十八日

火候

原參同契朝蹇  
三三暮解三三

汐湧

增性理大全古洲馬氏曰  
望後三日魄生而汐湧

十天下降

原見前

十直齋日

原感應篇十八日念好生度命天尊詳見  
初一日洞元靈寶月十齋十八日太一下

太白遊方

原選擇歷書  
十八日東北

人神

原選擇歷書十  
八日在股內

十九日

火候

原參同契朝損  
三三暮益三三

太白遊方

原選擇歷書  
十九日中方

人神

原選擇歷書  
十九日在足

二十日

火候

原參同契朝夫  
三三暮姑三三

四五

原古詩四  
五蟾兔闕

移竹

增農政全書移竹惟五月十三謂之竹醉日栽  
竹則茂盛或曰不必五月但每月二十日皆可

太白遊方

原選擇歷書二  
二十日在天

人神

原選擇歷書二  
十日在內課

二十一日

火候

原參同契朝萃  
三三暮升三三

太白遊方

原選擇歷書二  
十一日正東

人神

原選擇歷書二十一日在手小指

二十二日

火候

原參同契朝因三三暮井三三

太白遊方

原選擇歷書二十日東南

人神

原選擇歷書二十日在外課

二十三日

下弦

增參同契艮直於丙南下弦二十三朱子注二十三日第五節之中復生中一陰為艮而下弦以平

旦而沒於南方丙地

艮主典守

增參同契艮主進止不得  
踰時二十三日典守弦期

火候

原參同契朝華  
三三暮鼎三三

月忌

增詳見  
民用

影堂常祭

增詳見  
初一日

十天下降

原見  
前

十直齋日

原感應篇二十三日念元真萬福天尊詳見  
初一日洞元靈寶月十齋二十三日太一八

神使  
者下

太白遊方

原選擇歷書二  
十三日正南

人神

原選擇歷書二十三日在肝及足

二十四日

火候

原參同契朝震三三暮艮三三

十天下降

原見前

十直齋日

原感應篇二十四日念太靈虛皇天尊詳見初一日洞元靈寶月十齋二十四日北辰下

太白遊方

原選擇歷書二十四日西南

人神

原選擇歷書二十四日在手陽明

二十五日

火候

原參同契朝漸三  
三暮歸妹三三

繞行宮垣

增宋書百官志御史中丞每月二十五日繞  
行宮垣白壁史臣按漢志執金吾每月三繞

行宮城疑是省金  
吾以此事併中丞

月交日

原田家雜占二十五日謂  
之月交日有雨主久陰

太白遊方

原選擇歷書二  
十五日正西

人神

原選擇歷書二十  
五日在足陽明

二十六日

火候

原參同契朝豐  
三三暮旅三三



太白遊方

原選擇歷書二  
十六日西北

人神

原選擇歷書二  
十六日在胃

二十七日

月行周天

原禮記月令疏二十  
七日月行一周天

火候

原參同契朝巽  
三三暮兌三三

遲疾一終

增隋書天文志月行有遲疾其極遲則日行  
十二度強極疾則日行十四度半強遲則漸

疾疾極漸遲二十七  
日半強而遲疾一終

潮勢長

增性理大全余襄公安  
道曰晦前三日潮勢長

交月晴

原田家五行二十七日最宜晴諺曰交月無過廿七晴

太白遊方

原選擇歷書二十七日正北

人神

原選擇歷書二十七日在膝

二十八日

火候

原參同契朝渙三三暮節三三

十天下降

原見前

十直齋日

原感應篇二十八日念太妙至極天尊詳見初一日洞元靈寶月十齋二十八日下太一

下

太白遊方

原選擇歷書二十八日東北二

人神

原選擇歷書二十八日在陰二

二十九日

火候

原參同契朝中孚三三暮小過三三

月餘

增晉書律歷志一月不盡為月餘一

合朔

增蜀都雜抄凡月之行歷二十九日五十三分而與日相會謂之合朔

十天下降

原見前

十直齋日

原感應篇二十九日念真皇洞神天尊詳見初一日洞元靈寶月十齋二十九日中太一

下

太白遊方

原選擇歷書二十九日中方

人神

原選擇歷書二十九日在膝脛

三十日

陳不違晦

原左傳甲午楚晨壓晉軍而陳卻克曰陳不違晦以犯天忌我必克之疏日為陽精月為

陰精兵尚殺害陰之道也行兵貴月盛之時晦是月終陰之盛也故兵家以晦為忌不用晦日陳兵

提月

原公羊傳提月六鷗退飛過宋都提月者何僅逮是月晦日也何休注提月邊也魯人語也月幾盡

也

察行陵廟

增後漢書百官志太常卿掌禮儀祭祀每月前晦察行陵廟

節盡

增參同契坤乙三十日東北喪其朋節盡相禪與繼體復生龍朱子注三十日第六節之終全變三

陽而光盡體伏於西北一月六節既盡而禪於後月復生震卦云

月晦

增參同契金返復其母月晦日相包釋名晦灰也火死為灰月光盡似之也

火候

原參同契既未至晦爽終則復更始日辰為期度動靜有早晚朱子注既未謂晦日之卦朝既濟三

三暮未濟三三也  
爽謂生明之時

唐鼠

增水經注唐君公房學道得仙白日升天雞鳴天上犬吠雲中唯以鼠惡留之鼠乃感激以月晦日

吐腸胃更生時  
人謂之唐鼠

月晦祭祀

增隋書南蠻傳婆利國祭祀必以月晦盤貯酒肴浮之流水

竈神上天

增酉陽雜俎竈神名隗狀如美女又姓張名單字子郭常以月晦日上天白人罪狀大者

奪紀紀三百日小者奪算算一百日

月山

增輿地紀勝月山在安福縣西山巔有石如月遇晦夕即明照映百餘步有月山寺

月盡無雨

增田家五行月盡無雨則來月初必有風雨

十天下降

原見前

十直齋日

原感應篇三十日念玉虛明皇天尊詳見初一洞元靈寶月十齋三十日上太一下

太白遊方

原選擇歷書三十日在天

人神

原選擇歷書  
十日在足跣

政典

先甲後甲

原易先甲三日後甲三日疏甲者創制之令  
人若犯者未可即如刑罰以民未習故先此

宣令之前三日殷勤而語之又如此宣令之後三日更  
丁寧而語之其人不從乃如刑罰甲前三日取改過自  
新故用辛也甲後三日  
取丁寧之意故用丁也

先庚後庚

原易先庚三日後庚三日吉疏申命令謂之  
庚民迷固久申不可卒故先申之三日令著

之後復申之三日然後誅之  
民服其罪無怨而獲吉矣

令甲

增易先甲三日後甲三日註甲為十日之首創造  
之令為在後諸令之首故漢時令之重者謂之令

甲

三捷

原詩豈敢定居一月三捷增李治賀班師表衣暫試於一戎月連飛於三捷

卜筮日

增禮凡卜筮日旬之外曰遠某日旬之內曰近某日

剛日柔日

增禮外事以剛日內事以柔日疏外事郊外之事剛奇日也甲丙戊庚壬五奇為剛也內

事郊內之事乙丁己辛癸五偶為柔也

告存

原禮八十月告存疏告謂問也君每月使人致膳告問存否

法月為教

增禮月以為量疏量猶分限也天之運行每三十日為一月而聖人制教亦隨人之才分

是法月為教之限量也



巡牲

增禮君皮弁素積朔月月半君巡牲所以致力孝之至也

令月

原儀禮士冠禮始加祝曰令月吉日始加元服增後漢書明帝紀詔驃騎將軍三公曰今令月吉日

宗祀

光武皇帝於明堂以配五帝支適詩令月肇清齋德澤潤無疆

吉月

原儀禮士冠禮吉月令辰乃申爾服增史記五帝紀揖五瑞擇吉月日見四岳諸牧班瑞

月奉

增周禮天官冢宰祿位以馭其士註祿若今月奉也唐書食貨志開元二十四年令百官防閤庶僕

俸食雜用以月給之總稱月俸原宋史職官志詔自今掌事文武官月奉給折支京師每一千給實錢六百在

外四百願給他物者聽

月終受要

原周禮天官小宰月終則以官府之叙受羣吏之要疏月計曰要故每月月終則使官府

致其簿書之要受之  
當先尊後卑故言叙

治凡

原周禮天官宰夫二曰師掌官成以治  
凡註師辟小宰宰夫也治凡若月計也

月要日成

原周禮天官宰夫月終則令正月要旬終則  
令正日成疏月終則令正月要者謂每月終

則令羣吏正其月要謂月計曰要也旬終謂每  
旬終則令羣吏正其日成日成謂日計曰成也

會稍食

原周禮天官宮正月終則會其稍食疏稍  
食謂宮中官府等月祿故至月終會計之

當夕

增周禮天官九嬪註凡羣妃御見之法月與后妃  
其象也早者宜先尊者宜後女御八十一人當九

夕世婦二十七人當三夕九嬪九人當一夕三夫  
人當一夕后當一夕亦十五日而徧自望後反之

嗣掌其月

增周禮地官賈師凡國之賣債各帥其屬而  
嗣掌其月註債買也謂官有所斥令賣賈師

帥其屬而更相代直  
月為官賣之均勞逸

情訊

增周禮秋官小司寇以五刑聽萬民之獄訟附于刑用情訊之至於旬乃弊之註附猶著也訊言也

用情理言之冀有可以  
出之者十日乃斷之

治有期日

增周禮秋官朝士凡士之治有期日國中一旬郊二旬野三旬疏期日獄訟成來於外朝

職聽遠近節  
之皆有期日

城沂

增左傳令尹為艾獵城沂使封人慮事以授司徒量功命日分財用平板幹稱畚築程土物議遠邇

略基址具餼糧度有司  
事三旬而成不愆於素

十日十等

增左傳天有十日人有十等下所以事上所共神也註甲至癸王至臺

日祭月祀

原國語旬服者祭侯服者祀日祭月祀先王之制也註曰祭於祖考月祀於曾祖

月會旬修

增國語月會旬修日完不忘註會計也計一月之經用修十日之中所成為者日完一日

之為不忘其禮也

天子月祭

增家語天子立七廟三昭三穆與太祖之廟而七曰太廟有一壇有一墀曰考廟曰王考

廟曰皇考廟曰顯考廟曰祖考廟皆月祭之註始祖百世不遷高曾祖禰以親故此五廟每月一祭

諸侯月祭

增家語諸侯立五廟二昭二穆與太祖之廟而五曰祖考廟有一壇一墀曰考廟曰王考

廟曰皇考皆月祭之顯考廟祖考廟享嘗乃止註月祭三廟降於天子也

大夫月祭

增家語大夫立三廟一昭一穆與太祖之廟而三曰皇考廟有一壇考廟月祭王考廟皇

考廟享  
嘗乃止

月有三政原管子月有三政王事必理以為必長註月三旬政異故曰三政王者行事必順三政之

理然後可  
以長久

月饋肉增管子八十以上二子無征月有饋肉

讀要戒原逸周書王在成周昧爽召三公左史戎夫曰今夕朕寤遂事驚子乃取遂事之要戒俾戎夫

言之朔望以聞註集要戒之言月已日望於王前讀之

月令增逸周書序周公制十二月賦政之法作月令後漢書律歷志用天因地揆時施教頒諸明堂以為

民極者莫大乎月令帝王之大司備矣天下之能事畢矣原唐書禮志禮部尚書奏讀月令其日皇帝出宮至

於大次文武五品以上皆就門外位刑部郎中以月令  
置於案侍中跪奏請讀月令刑部郎中讀令每月各居

其位皆冠通天服  
玉之色如其時

迎日

增史記五帝紀迎日推策註迎數之  
也日月朔望未來而推之故曰迎日

五日一朝

原史記高祖本紀高祖五日一朝太公如家  
人父子禮後高祖朝太公擁篲迎門却行高

祖大驚太公曰帝人主也奈何以我亂  
天下法於是高祖乃尊太公為太上皇

游衣冠

原史記叔孫通傳高寢衣冠月出游高廟註月  
出高帝衣冠備法駕名曰游衣冠高寢在高廟

西高祖衣冠藏在高  
寢月出游於高廟

椎牛饗士

增史記馮唐傳魏尚為雲中守其軍市租盡  
以饗士卒私養錢五日一椎牛饗賓客軍吏

舍人

卒更踐更

增史記游俠傳踐更數過註古有正卒無常

欲得顧更踐者次直者出錢

顧之月二千是為踐更也

顧山錢

原漢書平帝紀天下女徒已論歸家顧山錢月三百註女徒論罪已定竝放歸家不親役之但

令一月出錢三百以顧人也

優寵老臣

原漢書蘇武傳宣帝召武待詔宦者署數進見復為右曹典屬國以武著節老臣令朝朔

望號稱祭酒甚優寵之

朝日引見

原漢書于定國傳上數以朝日引見丞相御史入受詔條責以職事注五日一聽朝故云

朝日也

反支日

原後漢書王符傳明帝時公車以反支日不受章秦注凡反支日用月朔為正戌亥朔一日反

支申酉朔二日反支子丑朔六日反支辰巳朔四日反支寅卯朔五日反支

巡狩告禮

增孔叢子古者天子將巡狩必先告於祖禰命史告羣廟及社稷圻內名山大川告者七

日而徧親告用牲史告用幣申命冢宰而後清道而出歸反舍於外次三日齋親告祖禰用特命有司告羣廟社稷及圻內名山大川而後入聽朝

每月異禮

原蔡邕明堂月令論因天時制人事天子發號施令祀神受職每月異禮故謂之月令所

以順陰陽奉四時效氣物行王政也成法具備各從時月藏之明堂所以示承祖考神明明不敢褻瀆之義



東庠考試

增晉書慕容皝載記賜其大臣子弟為官學生者號高門生立東庠於舊宮以行鄉射之

禮每月臨觀考試優劣

會議東門

增千寶晉紀大小中正為內官者聽月三會議於東門之外設幔陳席

月賜筆墨

原宋書百官志丞郎月賜赤管大筆一雙隄廩墨一丸

省用訊獄

增宋書江夏王義恭傳義恭涉獵文義而驕奢不節太祖與書誡之曰汝一月日自用不

可過三十萬若能省此益美刑獄不可擁滯一月可再訊

決獄

增宋書徐羨之傳詔曰平理獄訟政道所先司空尚書令可率衆官月一決獄梁書武帝紀詔曰三

訊五聽著自聖典哀矜折獄義重前誥可申勅諸州月一臨訊博詢擇善務在確實

入見面陳

增魏書范紹傳紹量功節用甄煩就簡凡有賜給千匹以上皆別覆奏然後出之靈太后

嘉其用心勅紹每月入見諸有益國利民之事皆令面陳

朝朔望

增南史賀瑒傳梁天監初為太常丞有司舉修賓禮召見說禮義武帝異之詔朝朔望預華林

講

封事三條

增北史魏文皇帝紀詔公卿以下每月上封事三條極言得失刺史二千石銅墨以上有

謹言嘉謀勿有所諱

參論國政

增北史爾朱榮傳榮奏請番直朔望之日引見三公令僕尚書九卿及司州牧河南尹洛

陽河陰執事之官參論國政以為常式

奉詔朝見

增北史柳機傳機性寬簡有雅望出為華州刺史奉詔每月朝見

致珍羞

增北史刁靡傳皇興中靡與隴西王源賀及中書監高允等並以耆年特見優禮錫靡几杖劍

履上殿月致珍羞焉

加佩綬

原隋書何稠傳從省之服初無佩綬稠曰此乃晦朔小朝之服安有人臣謁帝而去印綬兼無

佩玉之節乎乃如獸頭小綬及佩一隻

牙盤薦食

增舊唐書明皇紀天寶十一載制今後每月朔望宜令薦食於太廟每室一牙盤仍五日

一開室門洒掃

旬日秉筆

增舊唐書德宗紀故事宰相秉筆決事每人十日一易至是賈耽趙憬陸贄盧邁同平章

政事百寮有所闡白更相讓而不言  
始詔令旬日秉筆後詔每日更秉筆

監牧分月

增舊唐書職官志沙苑監掌牧養隴右諸牧  
牛羊以供其宴會祭祀及尚食所用每歲與

典牧分月  
以供之

諸司錄報

增舊唐書職官志凡在京諸司見禁囚每月  
二十五以前本司錄其所犯及禁時月日以

報刑部

園陵上食

增唐書禮樂志凡園陵之制皇祖以上至太  
祖陵皆朔望上食皇考陵朔望及節祭而日

進食

朔望朝參

增唐書百官志文武官職事九品以上及二  
王後朝朔望宋史禮志元豐中詔在京朝官

以上朔望一朝紫宸  
為朔參官望參官

文武朝參

增唐書百官志文武五品以上及兩省供奉  
官監察御史員外郎太常博士日參號常參

官武官三品以上三日一朝號九參官五品  
以上及折衝當番者五日一朝號六參官

時政記

增唐書百官志長壽中宰相姚璩建議仗下後  
宰相一人錄軍國政要為時政記月送史館玉

海景德三年詔樞密所修時政記至次月十五日送  
中書祥符五年令月送史館嘉祐六年詔月終進呈

承詔五日

增唐書百官志御史居中丞大夫下每一人  
東嚮承詔五日有旨詔御史不呼名則承詔

出者

左右巡

增唐書百官志監察御史開元七年詔隨仗入  
閣分左右巡糾察違失左巡知京城內右巡知

京城外盡雍洛二州之境月一代將晦  
即巡刑部大理東西徒坊金吾縣獄

四推御史

增唐書百官志侍御史掌糾舉百寮及入閣承詔知推彈雜事分京城諸州為東西一人

知西推贓贖二司受事一人知東推理匭等有不糾舉者罰之以殿中侍御史第一人同知東推莅太倉出納  
第二人同知西推莅左藏出納號四推  
御史隻日臺院受事隻日殿院受事

門籍

增唐書百官志司門郎中員外郎各一人掌門關出入之籍及闌遺之物凡著籍月一易之又左右

監門衛掌諸門禁衛及門籍文武官九品以上每月送籍於引駕仗及監門衛衛以帳報內門凡朝參奏事侍詔官及織扇儀仗出入者閱其數以物貨器用入官者有籍有傍左監門將軍判入右監門將軍判出月一易  
其籍

府馬分番

增唐書百官志駙曹參軍事掌外府雜畜簿帳牧養凡府馬承直以遠近分七番月一易

之

太卜灼占

增唐書百官志太卜署令祭祀大事率卜正卜日示高於卿退而命龜既灼而占先上旬

次中旬  
次下旬

典倉上籍

增唐書百官志典倉署令掌九穀醢醢庶羞器皿燈燭凡園圃樹藝皆受令焉每月籍出

納上  
於寺

蕃客奏事

增唐書百官志蕃客奏事具至日月及所奏之宜方別為狀月一奏為簿以副藏鴻臚

貨物直簿

增唐書百官志兩京諸市署有果毅巡廵平貨物為三等之直十日為簿廵古列字

尚食月會

增唐書百官志膳部郎中員外郎各一人尚食有猝須別索必奏覆月終而會之

存問將士家

增唐書百官志通事舍人十六人凡軍出則受命勞遣既行則每月存問將士之家

視其疾苦凱還則如逐

主仗月上

增唐書百官志胄曹參軍事掌甲仗凡御仗之物二百一十有九羽儀之物三百自千牛

以下分掌之日執御弓箭者亦自備以入宿主仗每月上則配以職

內仗

原唐書儀衛志凡朝會之仗三衛番上分為五仗號衙內五衛每月以六十四人立內廊閣外號曰

仗內

遠近給番

增唐書兵志凡當宿衛者番上兵部以遠近給番五百里為五番千里七番一千五百里



八番二千里十番外為十二番皆一月上若簡留直衛者五百里為七番千里八番二千里十番外為十二番亦月上

閒月忙月增唐書食貨志州縣無防人者籍十八以上中男及殘疾以守城門及倉庫門謂之門夫番上不至者閒月督課為錢百七十忙月二百

給紙增唐書藝文志集賢書院學士通籍出入太府月給蜀郡麻紙五千番宋史職官志給紙者中書樞密宣徽三司官觀副使判官諫官皆月給焉

月廩原唐書楊綰傳綰同中書門下平章事減諸道觀察判官員之半又定府州官月廩使優狹相均增元史世祖紀政於近如命宿衛受月廩

十日一燕

增唐書孫述傳開元中以起居舍人入為集賢院修撰時海內少事帝賜羣臣十日一燕

罷月進

原唐書裴胄傳初李兼嘗罷南昌卒千餘人收資廩為月進胄白罷之增順宗實錄貞元二十

一年停鹽鐵使進獻舊鹽鐵錢物悉入正庫其後稍以時市珍饈時新物充進獻其後益甚歲進錢物謂之羨餘至貞元末逐月有獻謂之月進至是乃罷

衛馬承直

增唐六典凡諸衛馬承直配於金吾巡檢遊奕者每月四十有五匹皆季請其料隨以給

之

飛騎番上

增唐六典左右羽林軍大將軍將軍之職統領北衙禁兵之法令而督攝左右廂飛騎之

儀仗以統諸曹之職凡飛騎每月番上者皆據其名籍而配於所職

月旬糾察

增通典衛尉卿每月丞每旬行宮徵糾察不法

蕃使銅魚

增唐會要西蕃諸國通唐使處悉置銅魚雌雄各十二皆銘其國名如貢使正月來齋第

一魚餘月准此閏月則齋本月校其合乃依常禮待之差則推案

日歷

增唐會要永貞元年監修韋執誼奏皇王大典實存簡冊自頃史官修撰皆於私家紀錄望令修撰

官各撰日歷凡至月終即於館中都會詳定是非除已成實錄撰進宣下者其餘見修日歷竝不得私家置本之從

給手力資

增翰林志翰林學士度支月給手力資四人錢三千五百四品以上加一人

尚書郎更直

增翰林志漢制尚書郎主作文書起草更直於建禮門內大官供食湯官供餅餌五

熟果五日一美  
食下天子一等

草制宣麻

增翰林志凡赦書德音立后建儲行大誅討拜免三公宰相命將曰制竝白麻紙雙日起

草候閤門鑰入而後進書隻日百寮立班  
於宣政殿樞密使引案自東上閤門出

緩輸期

增韓愈李公誌銘公諱素拜河南少尹黜屬令二人以賊減民賦錢歲五千萬請緩民輸期一

月詔天下輸  
皆緩一月

休沐

原初學記漢律吏五日得  
一休沐言休息以洗沐也

幸雍和殿

增東觀奏記上敦睦九族於諸侯王尤盡友愛即位後於十六宅起雍和殿每月三兩幸

與諸侯王擊鞠合樂錫賚有差進士  
司馬樞為雍和賦志一時之事實

豹直

原聞見記御史舊例初入臺陪直二十五日為伏豹取不出之義謂之豹直

入閣

原五代史李琪傳唐故事天子日御殿見羣臣曰常參朔望薦食諸陵寢有思慕之心不能臨前殿

則御便殿見羣臣曰入閣宣政前殿也謂之衙衙有仗紫宸便殿也謂之閣其御紫宸乃自正衙喚仗由閣門

而入百官俟朝於衙者因隨以入見故謂之入閣

廊餐

增五代會要唐制常參官每日退朝賜食謂之廊餐

聖節上壽

增宋史禮志太常禮部討論每遇聖節前一月分日啓建道場至前一日樞密院官滿散

依例作齋筵至三日省官上壽立班訖次赴滿散作齋筵後二日大宴於集英殿

罷奉戶

增宋史職官志太平興國元年詔曰耕織之家農桑為本奉戶月輸緡錢蠹茲細民不易營置

罷天下奉戶其本官奉錢並給以官物

預借奉錢

增宋史職官志初川陝廣南福建募職州縣並許預借奉錢大中詳符開又詔江浙荆湖

遠地麟府等州河北河東緣邊州軍自今許預借兩月近地一月奉錢

進班簿

增宋史職官志慶禮奉表則東上閣門掌之慰禮進名則西上閣門掌之月進班簿

茶湯錢

增宋史職官志其有無職田選人并親民小使臣每員月支茶湯錢一十貫文內雖有職田每

月不及十貫者皆與補足所以厚其養廉之利

書行藝

增宋史職官志凡諸生之隸於太學者分三舍始入學驗所隸州公據以試補中者充外舍齋

長諭月書其行藝於籍行謂率教不戾規矩藝謂治經程文

糾儀

增宋史職官志殿中侍御史二人掌以儀法糾百官之失凡大朝會及朔望六參則東西對立彈其

失儀者

旬課

增宋史兵志器甲之制京師所造十日一進謂之旬課上親閱視置五庫以貯之

輪知抄錄

增宋史扈蒙傳蒙知制誥克史館修撰上言自今凡有裁制之官優恤之言發自宸衷可

書簡策者

竝委宰臣及參知政事每月輪知抄錄以備史官撰集從之

加月給

增宋史畢士安傳士安以目疾求解改兵部侍郎出知潞州特加月給之數白居易詩俸錢萬

六千月給亦有餘

月再習樂

增宋史李宗諤傳景德二年命判太常大樂鼓吹二署先是樂工率以年勞遷補至有抱

其器而不知聲者宗謬素曉音律遂加審定因修完器  
具更署職名條上利病二十事又著樂纂以獻命付史  
館自是月再肄習焉

間日一朝

增宋史呂公著傳元祐三年拜司空同平章  
軍國事詔建第於東府之南啓北扉以便執

政會議凡三省樞密院之職皆得總理間  
日一朝因至都堂其出不以時蓋異禮也

兩赴經筵

原宋史文彥博傳元祐初命平章軍國重  
事六日一朝一月兩赴經筵恩禮甚渥

日習月按

增宋史張栻傳栻知靜江府經畧安撫廣南  
西路所部多盜栻至簡州兵汰冗補闕籍諸

州黥卒伉健者為効用  
日習月按申嚴保伍法

進素膳

增老學菴筆記今上初即位每月三  
日七日十七日二十七日皆進素膳



翰林權直

增老學菴筆記乾道癸巳曾丞相懷鄭參政聞張樞密說在二府或薦新政官正字崔大

雅興詩入內廷以其資淺乃創翰林權直之名月俸減學士院三之一院中餐錢不減

念珠曹

原南都新書京兆戶曹月俸一百八索人號為念珠曹

上封事

增玉海乾元二年詔兩省官十日一上封事直論得失上元二年令諫官每月二上封事

開延英

增玉海延英殿在大明宮東上元以來置宰相欲論事天子欲咨度皆非時召對旁無侍衛人

得盡言洛陽亦有延英殿天祐元年詔每月一五九開延英

起居注

增玉海淳化五年史官張佖言聖朝編年謂之日歷惟紀報狀序勅文至聖政皇猷羣臣忠邪

庶務沿革莫有紀述謹按六典故事請置起居院修左右史之職記錄為起居注每月與時政記同送史院上

嘉之乃置  
院於禁中

習射

增玉海元豐六年司業朱服請太學旬休習射續文獻通考洪武二十五年定法遇朔望習射於射

圃樹鵠置射位每耦二人各挾四矢以次相繼射畢中的飲三爵中采二爵

大起居

增玉海垂拱殿曰內殿宰臣以下及武班日赴是為常起居每五日文武朝臣赴內朝謂之百

官大起居

衙日

原鼠璞唐百官志節度使辭日賜雙旌雙節行則建節立六纛入境築節樓迎以鼓角本朝有六纛

旌節門旗二受賜藏之公宇私室號節堂朔望次日祭之號衙日

諸生給假

增元史刑法志諸奎章閣授經郎生員每月朔望上弦下弦給假四日

謁孔廟

增元史刑法志每月朔望郡縣長率其僚屬詣孔子廟拜謁禮畢從學官升堂講說

三進講

增安雅堂集皇帝御極之初即命兩丞相與儒臣一月三進講於是益優禮講官既賜酒饌又

以高年疲於步趨命皆得乘舟太液池徑西苑以歸

貢試

原續文獻通考元仁宗皇慶二年議國子學貢試之法孟月試經疑一道仲月試經義一道季月試

策問表章詔誥內科一道

上吉日

增陸鉞漫記欽天監上吉日十二紙每月粘一紙於宮門御屏上

民用

數日

增禮九年教之數日注數日朔望與六甲也

輪輻象日月

增周禮考工記輶人軫之方也以象地也蓋之圓也以象天也輪輻三十以象日月

也蓋弓二十有八以象星也注輪象日月者以其運行也日月三十日而合宿

男女食鹽

增管子海王之國謹正鹽筴十口之家十人食鹽百口之家百人食鹽終月大男食鹽五

升少半大女食鹽三升少半吾子食鹽二升少半此其大歷也注少半猶劣薄也吾子謂少男小女也歷數也

碧草釀酒

增洞冥記瑤崑去玉門九萬里有碧草如麥割之以釀酒則味如醇酎飲一合三旬不醒

神精香草

增洞冥記波祗國獻神精香草亦名荃藤一名春蕪一根百條其間如竹節柔軟其皮如

絲可為布握一片滿室皆香婦人帶之彌月芬馥

都夷香

增洞冥記都夷香如棗核食一顆歷月不餓以粒如粟米許投水中俄而滿大盂也

菊水

增荊州記南陽有菊水其源傍悉芳菊水極甘馨漢司空王暢太傅表隗為南陽令縣月送三十餘

石飲食澡浴悉用之

酒樹

增南史扶南國傳扶南國南界有頓遜國在海崎上有酒樹似安石榴采其花汁停甕中數日成酒

五穀大判

增齊民要術五穀大判上旬種者全收中旬收下旬收

桃酢

增齊民要術桃酢法桃爛自零者收去內之於甕中以物蓋口七日之後既爛漉去皮核密封閉之

三日酢成香美可食

明月砂

增肘後方月蝕耳瘡望夜取明月砂納蝦蟇腹中同燒末傳之

服菖蒲

增千金方甲子日取菖蒲一寸九節者陰乾百日為末每酒服方寸七日三服久服耳目聰明

欽定四庫全書

卷三

益智  
不忘

枕桃枝

增千金翼用戊子日取東引桃枝三寸枕之令耳目聰明

桃花鹽

增北戶錄琴湖池有桃花鹽色如桃花隨月盈縮在張掖西北

昆吾鹽

原酉陽雜俎昆吾陸鹽周十餘里無水自生未鹽月滿則如積雪味甘月虧則如薄霜味苦月

盡則  
全盡

辰日合藥

增張籍詩藥看辰日合茶過卯時煎

寅日合麴

增白居易詩麴神寅日合酒聖卯時歡

服胡桃

增食療本草凡服胡桃不得併食須漸漸食之初日服一顆每五日加一顆至二十顆止周而

復始常服令人能食骨肉細  
膩光潤鬚髮黑澤血脉通潤

榧子

增食療本草日食榧子七  
顆滿七日白蟲皆化為水

放杖木

增本草拾遺放杖木生溫括陸葵諸州山中  
樹如木天蓼老人服之一月放杖故以為名

杏酥

增圖經本草杏酥去風虛除百病搗爛杏仁一石  
以好酒二石研濾取汁一石五斗入白蜜一斗五

升攪勻封於新甕中勿洩氣三十日看酒上酥出即掠  
取納甕器中貯之取其酒滓團如梨大置空屋中作格  
安之候成飴脯狀旦  
服一枚以前酒下

萬姓交易

增東京夢華錄相國寺每  
月五次開放萬姓交易

滿月

增東京夢華錄娶婦一月  
則大會相慶謂之滿月

肺蟲上行

增西溪叢話許叔微精於醫云五臟蟲皆上行唯有肺蟲下行最難治當用獺爪為末調

藥於初四初六日治之此二日肺蟲上行也

團油飯

增老學菴筆記北戶錄云嶺南俗家富者婦產三日或匝月洗兒作團油飯以煎魚蝦雞鵝猪

羊灌腸蕉子薑桂監豉為之

月忌

增蠡海集月忌之說術家以為廉貞獨火故為忌者謬也此乃以洛書九宮推之初一起一宮二日

二宮三日三宮四日四宮初五日則入中宮中宮為星極之位至尊之地在臣民當避忌故曰月忌至於六日六宮七日七宮八日八宮九日九宮初十復至一宮如此循環數去十四日又入中宮二十三日又入中宮是以初五十四二十三為月忌也



六戊日

增吳下田家志  
合帳忌六戊日

麋欽酒

增羹羹橘柚麋欽棗出真陵之山食一枚大醉  
不醒東方朔嘗遊其地以一斛歸進上上和諸

香作丸大如芥子每集羣臣取一丸入水一石頃  
刻成酒味踰醇醪謂之麋欽酒飲者香經月不歇

法鯽

增提要錄法鯽須得鯽之大者腹間微開小竅以  
椒圖馬芹實其中每一觔用鹽二兩油半兩擦竅

三日外以法酒漬之入瓶石  
灰綿蓋封之一月紅色可膾

給鹽啖馬

原元史文宗紀雲南行省言亦乞不薛之地  
所牧國馬歲給鹽以每月上寅日啖之則馬

健無  
病

鹿角膠

增衛生方以米泔浸鹿角七日令軟入急流水  
中浸七日去粗皮以東流水桑柴火煮七日旋

旋添水入醋少許搗成霜用其汁加無灰酒熬成膠用

枸杞酒

增外臺秘要枸杞酒補虛去勞熱長肌肉益顏色用生枸杞子五升搗破絹袋盛浸好酒二斗

中密封勿洩氣二七日服之

桃仁酒

增外臺秘要偏風不遂及痺疾用桃仁二千七百枚去皮尖雙仁以好酒一斗三升浸二十一

日取出曬乾杵細作丸如梧子大每服二十丸以原酒吞之

辟疫丸

增外臺秘要上品朱砂一两細研蜜和丸麻子大常以太歲日平旦一家大小勿食諸物向東

各吞三七丸勿令近齒永無瘟疫

棗皮洗目

增本草綱目棗皮同老桑樹皮並取北向者等分燒研每用一合井水煎澄取清洗目一

月三洗昏  
者復明

嫁娶周堂

原嫁娶周堂圖夫姑堂翁第竈婦廚夫居離  
位姑居坤位順輪環布凡擇嫁娶日大月從

夫至姑順數小月從婦次竈逆數擇第堂廚  
竈日用之如遇翁姑而無翁姑者亦可用

入山忌

增九天秘記入山大月忌三日十一日十五日  
十八日二十四日二十六日三十日小月忌一

日五  
日十三  
日十六  
日十八  
日二十  
日二十八

剪爪甲

增太上元科甲寅日三尸遊兩手翦去手  
爪甲甲午日三尸遊兩足翦去足爪甲

入學

增選擇歷書入學宜  
孟仲月成日開日

冠服

增選擇歷書冠服宜  
孟仲月定日忌丑日

掃舍

增選擇歷書掃舍宜季月除日忌日遊神直日及所在之方

求醫忌

增選擇歷書求醫療病忌朔弦望晦建平收滿未日

大會小會

增選擇歷書大會者月內陰陽正會之辰也小會者陰陽偶會之辰也故為上吉之日比

和之辰

豎造

增選擇歷書論豎造之月其月有天官符地官符飛入中宮其月豎造不妨止忌當日歸火須別擇

吉月吉日入宅歸火

旬中空亡

增選擇歷書旬中空亡上官嫁娶出行遠迴修造入宅建寺觀神廟及新立神像開光上

坐忌之

十干忌日

增選擇歷書甲不開倉乙不栽植丙不修竈  
丁不剃頭戊不受田己不破券庚不經絡辛

不合醬壬不決  
水癸不詞訟

十二支忌日

增選擇歷書子不問卜丑不冠帶寅不祭  
祀卯不穿井辰不哭泣巳不遠行午不苦

蓋未不服藥申不安牀酉不  
會客戌不乞狗亥不嫁娶

### 物候

朝菌

增莊子朝菌不知晦朔注朝菌糞上芝  
朝生暮死晦者不及朔朔者不及晦

羣陰化

增呂氏春秋月也者羣陰之本也月望則蚌蛤  
實群陰盈月晦則蚌蛤虛羣陰虧月形於天而

羣陰化  
於淵

蠶化蟬蛻

原淮南子蠶食而不飲二十日而蛻

朱草

原大戴禮朱草日生一葉至十五日生十五葉十

精狀如小桑栽子長三四尺枝莖如珊瑚生名山石巖

之下刺之如血其葉生落隨月晦朔亦如蓂莢之類耳

蓂莢

原帝王世紀堯時階前蓂莢每月朔日生一莢至

盡若月小則餘一莢厥而不落增元稹數蓂詩將

課司天歷先觀近砌蓂一旬開應月五日數從星

協氣晦望

增郭璞蚌贊萬物變蛻其理無方雀雉

枿欄

原廣志枿欄葉似車輪乃在顛上有

稻月一熟

原唐書南蠻傳懂娑登在環王

南俗與訶陵同種稻月一熟

浙江濤

原元和志浙江濤每日晝夜再至常以月十日二十五日最小月三日十八日極大小則水漸

漲不過數尺大則濤湧高至數丈

蚘蛇膽

增酒陽雜俎蚘蛇長十丈常吞鹿消盡乃統樹出骨養創時肪腴甚美其膽上旬近頭中旬在

心下句近尾

阿驛

增酒陽雜俎阿驛波斯國呼為阿驛拂林呼為底珍樹長丈四五枝葉繁茂葉有五出似枹麻蕪花

而實實赤色類枹子味似甘柿一月一熟

章舉

增酒陽雜俎章舉每月三八則多韓愈初南食詩章舉馬甲柱關以怪自呈注章舉有八脚身上有

肉如白亦曰章魚

鷺鳥雛

增酉陽雜俎凡鷺鳥雛出殼之後即於窠外放巢大鷺恐其墜墮及為日所曝熱暍致損乃取

帶葉樹枝插其巢畔防其墜墮及作陰涼也欲驗雛之大小以所插之葉為候若一日二日其葉雖萎而尚帶青色至六七日其葉微黃十日後枯瘁此時雛漸大可取

南中水草

增酉陽雜俎南中水底有草如石髮每月三四日始生至八九日已後可採及月盡悉爛

似隨月盛衰也

蘆塘魚

增錄異記耒陽縣東北有蘆塘八九頃其深不可測中有大魚常至五日一奮躍出水大可三

圍其狀異常每出水則小魚奔迸隨水上岸不可勝計

菠薐

增種樹書菠薐過月朔乃生今月初一初二種與二十七八日間種者皆過來月初一乃生驗之信



然蓋菠  
菱國菜

望前種樹

增種樹書凡種樹宜在望前在望後者少實

竹筍

增埤雅筍從旬旬內為筍旬外為竹今俗呼竹為妬母草言筍旬有六日而齊母

驢馬駒

增埤雅驢馬駒隨母行有在前者有與母竝者有隨後者此由生時爾月初生者在前月半生

者處中月末者居後

科斗

原埤雅科斗月大盡先生前兩足小盡先生後兩足

海潮

增西溪叢話會稽碑論海潮云隨日而應月依陰而附陽盈於朔望消於朏魄虛於上下弦息於輝

胸臨安志海潮每晝夜再至卯酉之月為陰陽之交氣以交而盛故潮獨大於餘月朔望之後為陰陽之變氣

以變而盛故潮獨大於餘日原寰宇記瓊管志云凡江浙欽廉之潮皆有定候瓊海之潮半月東流半月西流潮之大小隨長短星不係月之盛衰亦甚異也

月竹筍

原贊寧筍譜竹狀輕短叢生每月抽筍謂之月竹筍如箭竹萌人不食也

孚卵如期

增採蘭雜志鳥之孚卵皆如期不失信也今雞鷺孚卵雞二十日而化鷺三十日而化皆

如其期也

月泉

增林泉隨筆婺州之屬邑曰浦江其地有泉名曰月泉其水晦日則涸月生明則漸瀉出未望則長

既望則滿

月季花

原草花譜月季花俗名月月紅凡花開後即去其蒂勿令長大則花隨發無已

象膽隨月

增本草綱目象具十二生肖肉各有分段惟鼻是其本肉膽不附肝隨月在諸肉間

獺肝應月

原本草諸畜肝數皆定惟獺肝一月一葉十二月則十二葉

占驗

日暈

增史記天官書日暈制勝近期三十日遠期六十日

卜禁

增史記龜策傳卜禁曰子亥戌不可以卜日中如食已卜暮昏龜之微也不可以卜注微謂微繞不

也明

候月知雨

增師曠占候月知雨多少入月一日二日三日月色赤黃者其月少雨月色青者其月多

雨

五卯日

增師曠占常以五卯日候西北有雲如羣羊者即有雨至

候雨

原易飛候凡候雨以晦朔弦望雲漢四塞者皆當雨如斗牛熒當暴雨有異雲如水牛不三日大雨

黑雲如羣羊奔如飛鳥五日必雨雲如浮船皆雨北斗獨有雲不五日大雨四望見青白雲名曰天寒之雲雨

徵蒼黑雲細如杼軸蔽日月五日必雨雲如兩人提鼓持桴皆為暴雨

六甲日雲

原京房占六甲日雲四合皆當日雨雲多雨多雲少雨少萬不失一又六甲無雲一旬少

雨

雲如匹帛

增京房風角要訣候雨法有黑雲如一匹帛干日中即日大雨二匹為二日雨三匹為三

雨日

山帶

增廬山記廬山天將雨則有白雲或冠峰巖或亘中嶺俗謂之山帶不出三日必雨

下旬雨

增談苑九江人畏下旬雨云雨不肯止

雙日占

增浩然齋抄俗諺云逢庚雙變遇甲即晴蓋逢庚於雙日則變遇甲於雙日則晴多驗

壬子雨

增吳下田家志壬子日雨主久陰

月建風

原田家五行風自月建方來為得其正萬物各得其所晴雨各得其宜又風吹月建方位主米

貴

晴雨占

增田家雜占諺云久晴逢戊雨久雨望庚晴又云久雨不晴且看丙丁

無雨莫行船

原農政全書諺云廿五廿六若無雨初三初四莫行船

占月

原玉歷璇璣月初生色黑有水月滿色赤為旱又月初生而偃有水月始生有黑雲貫月名曰繳雲

不出三日暴雨

月蟾不見

原玉歷璇璣月望而中蟾不見者所宿之地水

月暈

原玉歷璇璣凡孟月七日仲月八日季月九日之夜皆當月暈暈而不已其下三日內有暴風甚雨

占氣

原神樞每月朔日氣如樓殿龍鳳主太平如華蓋旌旗龍虎皆主治理

六壬占

原神樞六壬占常以月符加月建及月朔皆占神后下為大雨日太冲下為小雨日

月色占雨

原雜占每月朔一日管上旬二日管中旬三日管下旬月色青黑潤明是旬有雨若黃赤

乾枯則旬中無雨

江淮驗雨

原雜占江淮俗驗每月初二十六雨則月內多雨

颶風

原客商規略初三有颶風可畏尤加十五念三

雜紀

辛壬癸甲

原書子創若時娶于塗山辛壬癸甲啟呱而泣子弗子惟荒度土功增水經注江淮之

俗以辛壬癸甲為嫁娶日也

邁征

原詩我日斯邁而月斯征箋邁征皆行也

彌月

原詩誕彌厥月先生如達又彌月不遲是生后稷增曾鞏進同天節功德疏狀彌月開祥本周家之

極盛千秋紀節繇唐室之寢昌

就將

原詩曰就月將學有緝熙于光明疏曰就謂學之使每日有成就月將謂至于一月則有可行

曷月

增詩懷哉懷哉曷月予還歸哉謝靈運詩歧子間衡嶠曷月瞻秦稽

終月

增詩太任有身疏太任既嫁于周有身懷孕至終月而生文王也

請浴具沐

原禮五日則燂湯請浴三日具沐

居側室

原禮妻將生子及月辰居側室疏及月辰謂生月之辰初朔之日也

踰月

原禮魯人有朝祥而暮歌者夫子曰又多乎哉踰月則其善也增吳志呂岱傳賞不踰月國之常典

浹辰

原左傳莒恃其陋而不修城郭浹辰之間而楚克其三都無備也夫疏從子至亥為十二辰

無虛月

增左傳魯之于晉也職貢不乏玩好時至公卿大夫相繼于朝史不絕書府無虛月



楚人出師

增左傳楚大饑戎伐其西南又伐其東南庸人師羣蠻以叛楚楚人謀徙於阪高蔣賈曰

不可我能往寇亦能往乃出師旬有五日百濮乃罷

三日穀

原左傳王召子反謀穀陽豎獻飲於子反子反醉而不能見王曰天敗楚也夫余不可以待乃

宵遁晉入楚軍三日穀

陳蔡厄

原家語孔子厄於陳蔡七日不食子貢犯圍而出得米一石顏回仲由炊之有埃墨墮甑中回

取食之子貢曰仁人廉士窮改節乎孔子召回炊而進飯吾將祭焉對曰有埃墨墮飯中欲置之則不潔棄之

則可惜回即食之不可祭也

終北國

增列子禹之治水土也迷而失塗謬之一國濱北海之北其國名曰終北其民孽阜亡數有喜

樂亡衰老哀苦其俗好聲相攜而迭謠終日不輟音饑  
惓則飲神漢力志和平過則醉經旬乃醒沐浴神漢膚  
色脂澤香氣  
經旬乃歇

木雞

原列子紀渚子為周宣王養鬪雞十日而問雞可  
鬪已乎曰未也方虛驕而恃氣十日又問曰未也

猶應影嚮十日又問曰未也猶疾視而盛氣  
十日又問曰幾矣望之如木雞其德全矣

御風行

增莊子列子御風而行泠  
然善也旬有五日而後反

月更刀

增莊子族庖月更  
刀折也注族衆也

鈞天廣樂

增史記趙世家趙簡子疾五日不知人大夫  
皆懼居二日半簡子寤曰我之帝所甚樂與

百神遊於鈞天  
廣樂九奏萬舞

彈劍歌

增史記孟嘗君傳初馮驩聞孟嘗君好客躡躡而見之孟嘗君置傳舍十日孟嘗君問傳舍長

曰客何所為曰馮先生甚貧猶有一劍耳又蒯緤彈其劍而歌曰長鋏歸來乎食無魚孟嘗君遷之幸舍食有魚矣五日又問傳舍長答曰客復彈劍而歌曰長鋏歸來乎出無輿孟嘗君遷之代舍出入乘輿車矣五日孟嘗君又問傳舍長答曰先生又嘗彈劍而歌曰長鋏歸來乎無以為家

十日飲

原史記范雎傳秦昭王詳為好書遺平原君曰寡人間君之高義願與君為布衣之友君幸過

寡人寡人願與君為十日之飲

身浣中裙

原史記萬石君傳長子建為郎中令每五日洗沐歸謁親入子舍竊問侍者取親中裙廁

牘身自浣滌復與侍者不敢令萬石知以為常

飲上池水

增史記扁鵲傳扁鵲少時為人舍長舍客長桑君知扁鵲非常人也呼扁鵲與語曰我有

禁方年老欲傳與公乃出其懷中藥予扁鵲飲是上池之水三十日當知物矣悉取其禁方書盡予扁鵲忽然不見扁鵲以其言飲藥三十日視見垣一方人以此視病盡見五臟癥結特以診脉為名耳

大乳母

增史記滑稽傳武帝少時東武侯母常養帝帝壯時號之曰大乳母率一月再朝

三十斤為一鈞

原漢書律歷志三十斤成鈞者一月之象也增淮南子三十日為一月故三十

斤為一鈞

圯上授書

增漢書張良傳張良遊下邳圯上有一老父衣褐至良所直墮其履圯下顧謂良曰孺子

下取履良愕然欲畷之為其老廼彊忍下取履因跪進父以足受之曰孺子可教矣後五日平明與我期此良

曰諾五日平明良往父已先在怒曰與老人期後何也  
去後五日蚤會五日雞鳴往父又先在復怒曰後何也  
去後五日復蚤來五日良夜半往有頃父亦來喜曰當  
如是出一編書曰讀是則為王者師旦日視其書迺太  
公兵法

累月

原漢書公孫弘傳揉曲木者不累日銷金石者  
不累月增陳子昂詩酒中堪累月身外即浮雲

半給吏民

增漢書蓋寬饒傳寬饒為人剛直高節志在  
奉公家貧奉錢月數千半以給吏民為耳目

言事者

五日京兆

原漢書張敞傳敞使賊捕掾絮舜有所案驗  
舜以敞劾奏當免不肖為敞竟事曰今五日

京兆耳安能復案事敞聞舜語即部吏收舜  
繫獄使主簿持教告舜曰五日京兆竟何如

月息三

原漢書王莽傳令市官收賤賣貴賒貸予民收息百月三注出百錢與民月收息三錢也

槐市

原三輔黃圖太學去城七里東為常滿倉倉之北為槐市列槐數百行為隧無墻屋諸生朔望會且

各持其郡所出貨物及經傳書記笙磬樂器相與買賣雍容揖讓論議槐下

月計有餘

原後漢書章帝紀詔曰安靜之吏惴惴無華日計不足月計有餘如襄城令劉方吏人同

聲謂之不煩雖未有他異斯亦殆近之矣

衣大練

原後漢書馬皇后紀常衣大練裙不加緣朔望諸姬主朝請望見后衣袍疏麤反以為綺縠就

視乃笑后辭曰此繒特宜染色故用之耳六宮莫不歎息

留一月糧

增後漢書第五倫傳倫拜會稽太守躬自斬芻養馬妻執炊爨受俸裁留一月糧餘皆賤

賈與民之  
貧羸者

致羊酒

增後漢書樊英傳英隱於壺山之陽永建二年順帝策書備禮徵之英固辭疾帝不能屈而敬

其名使出就太醫  
養疾月致羊酒

鄙吝復萌

原後漢書黃憲傳陳蕃周舉常相謂曰時月之間不見黃生則鄙吝之萌復存乎心

累日方還

原後漢書黃憲傳郭林宗少遊汝南先過袁閔不宿而退進往從憲累日方還或以問林

宗林宗曰奉高之器譬諸汎濫雖清而易挹叔度  
汪汪若千頃陂澄之不清清之不濁不可量也

資以月奉

原後漢書仇覽傳考城令王渙聞覽以德化人署為主簿謂覽曰主簿聞陳元之過不罪

而化之得非少鷹鷂之志耶覽曰以為鷹鷂不若鸞鳳  
渙謝遣曰枳棘非鸞鳳所棲百里豈大賢之路今日太

學曳長裾飛名譽皆主簿後  
耳以一月奉為資勉卒景行

月旦評

原後漢書許劭傳劭與靖俱有高名好共覈論  
鄉黨人物每月輒更其品題故汝南俗有月旦

馬評

大官送供具

增後漢書趙孝傳永平中辟太尉府顯宗  
素聞其行遷長樂衛尉復徵弟禮為御史

中丞禮亦恭謙行已類於孝帝嘉其兄弟篤行欲寵異  
之詔禮十日一就衛尉府大官送供具令共相對盡歡

王喬飛鵠

原後漢書王喬傳喬河東人顯宗世為葉令  
有神術每月朔望常自縣詣臺朝帝怪其來

數而不見車騎密令太史伺望之言其臨至輒有雙鳬  
從東南飛來於是候鳬至舉羅張之但得一隻焉乃

詔上方診視則四年中  
所賜尚書官屬履也



十日一炊

增謝承後漢書左雄為冀州刺史不舉煙火長食乾飯十日一炊又三輔決錄第五頡字

子陵為諫議大夫洛陽無主人鄉里無田宅寄止靈臺中或十日不炊

五日一試

增謝承後漢書劉祐仕郡為主簿郡將少子嘗出錢付之令市買果實祐悉以買筆墨書

具與之因白郡將言即君年可入小學而但傲狠遠近謂明府無過庭之教請出授書郡將為使子就祐受經五日一試不滿呈限白決罰遂成學業也

請給紙筆

增蔡琰別傳琰字文姬曹操問曰聞夫人家先多書籍猶能憶之否令十吏就夫人寫之

姬曰妾聞男女不親授受乞給紙筆一月真草惟命

讀春秋傳

原魏畧賈逵最好春秋左傳及為牧守常自課讀之月常一遍增北史張曜傳曜讀春秋

欽定四庫全書

御定月令輯要

卷三

五十二

月一遍時人  
比之賈梁道

閉戶視書

增晉書阮籍傳任性不羈喜怒不  
形於色或閉戶視書累月不出

得祿分賑

增晉書良吏傳吳隱之拜度支尚書太常以  
竹蓬為屏風坐無羶席後遷中領軍清儉不

華每月初得祿裁留身  
糧其餘悉分賑親族

頭面不洗

原嵇康與山巨源書少加孤露母兄見驕不  
涉經學性復疎懶筋驚肉緩頭面常一月十

五日不洗不大  
悶癢不能沐也

蘅蕪香

增拾遺記漢武帝夢李夫人授蘅蕪之香  
帝夢中驚起香氣猶著衣枕歷月不歇

執日取土

增抱朴子常以執日取六壬上土市南門土  
歲破土月建土合作人著朱鳥地上辟盜本

草拾遺執日天星上土取和薰草柏  
葉以塗門戶方一尺令盜賊不來

乘赤鯉

原搜神記琴高趙人也能鼓琴為宋康王舍人  
後辭入涿水中取龍子與諸弟子期曰明日皆

潔齋候於水傍設祠屋果乘赤鯉  
魚出來坐祠中留一月復入水去

織縑百疋

原搜神記董永父亡無以葬乃自賣為奴主  
人與錢一萬遣之永三年喪畢欲還供其奴

職道逢一婦人曰願為子妻遂與之俱主人謂永曰婦  
人何能永曰能織主曰令君婦為我織縑百疋於是永  
妻為主人家織十日而畢女出門謂永曰我天之織  
女緣君至孝天帝令我助君償債耳語畢凌空而去

荀令香

原襄陽記荀令君至人  
家坐幙三日香氣不散

朝臺

增廣州記尉陀立臺以朝漢室圓基千步直峭  
百丈螺道登進頂上三畝朔望升拜號為朝臺

閱馬臺

增鄴中記趙王石虎造閱馬臺在城西漳水之南每月朔晦閱馬於此臺

月中桂樹

增虞喜安天論俗傳月中仙人桂樹月初則生

計月受俸

增會稽典錄陳脩遷豫章太守計月受俸受米不受錢

鐵錐自正

增魏晉世語中牟城北有層臺臺下池中有漢時鐵錐長六尺入地三尺頭西南指不可

動每月朔自正以為晉氏中興之瑞

說法堂

增佛國記師子國立治已來無有饑荒衆僧庫藏多有珍寶城中屋宇嚴麗巷陌平整四衢道

頭皆作說法堂月八日十四日十五日鋪施高座道俗四衆皆集聽法

給米錢

增宋書衡陽王義季傳隊主續豐母老家貧無以克養遂斷不食肉義季哀其志給豐每月白

米二斛錢一千  
并制豐噉肉

貨俸米

增宋書何子平傳子平事母至孝揚州辟從事史月俸得白米輒貨市粟麥入或問曰所利無

幾何足為煩子平曰尊老在東不辦常得生米何心獨饗白粳

三日九捷

增魏書傳豎眼傳三日之中轉戰二百餘里甲不去身頻致九捷

旬拔四城

增魏書慕容容白曜傳先是淮陽公皮豹子等再征垣苗不尅白曜以一旬之內頻拔四城

威震齊土顯祖嘉焉詔曰卿總率戎旅討除不賓霜戈所向無不摧靡旬日之內尅拔四城韓白之功何以加此

就第送食

增魏書游明根傳賜步挽一乘給上卿之祿供食之味太官就第月送之

悔過乞還

增魏書列女傳房景伯為清河太守貝丘民列子不孝吏欲案之景伯入白其母崔氏母

曰但呼其母來吾與之同居其子置汝左右令其見汝事吾或應自改景伯遂召其母崔氏處之於榻與之共食景伯為此清溫其子侍立堂下未及旬日悔過求還崔氏曰此雖顏慙未知心愧且可置之凡經二十餘日其子叩頭流血其母涕泣乞還然後聽之終以孝聞

設厨

增魏書釋老志寇謙之奉書獻之世祖崔浩因師事之上疏讚明其事遂起天師道場於京城之東

南重壇五層給道士百二十人衣食齋肅祈請六時禮拜月設厨會數千人

靈憲歷

增北齊書信都芳傳芳嘗私撰歷書名靈憲歷算月有頻大頻小食必以朔證據甚甄明

臂小半分

原南史沈約傳約與徐勉素善以書陳情於勉言已老病以手握臂率計月小半分欲謝

事求歸  
老之狀

倚井欄書

增南史齊江夏王鋒傳時年四歲性方整好學書乃倚井欄為書書滿則洗之已復更書

如此者  
累月

供佛蓮

增南史齊晉安王子懋傳年七歲時母阮淑媛嘗病危篤請僧行道有獻蓮花供佛者衆僧以

銅甕盛水漬其莖欲花不萎子懋流涕禮佛曰若使阿媛因此和勝願諸佛令華竟齋不萎七日齋畢華更鮮紅視甕中稍有根鬚當世稱其孝感

農桑劇月

增南史沈慶之傳慶之每朝賀常乘猪鼻無憶車左右從者不過三五騎履行園田每農

桑劇月無人從行遇之者不知三公也

日限為詩

增南史張率傳率性寬雅十二能屬文常日限為詩一篇或數日不作則追補之

孔公醉醒

原南史孔覲傳覲除江夏內史性使酒雖醉居多而明曉政事醒時判決未嘗有壅衆

咸曰孔公一月二十九日醉勝世人二十九日醒也

食母所餘

增南史張弘策傳弘策幼以孝聞母嘗有疾五日不食弘策亦不食母強為進粥弘策乃

食母所餘

忌月不聽樂

增南史張融傳融有孝義忌月三旬不聽樂

給服餌

原南史陶弘景傳永明十年脫朝服挂神武門上表辭祿詔許之賜以束帛敕所在月給茯苓

五斤白蜜二升以供服餌



小學通徹

增北史魏任城王傳順字子和九歲師事樂安陳豐初書王羲之小學篇數千言晝夜誦

之旬有五日一皆通徹豐奇之白澄曰豐十五從師迄於白首耳目所經未見此比江夏黃童不得無雙也澄

笑曰藍田生玉何容不爾

送給服物

增北史高允傳太和三年詔曰允年涉危境而家貧養薄可令樂部絲竹十人五日一詣

允以娛其志尋詔朝晡給御膳朔望致牛酒衣服綿絹每月送給

十日一歸

增北史盧景裕傳齊神武間景裕經明行著驛馬特徵既而舍之使教諸子在館十日一

歸家隨以鼎食

生月生日

增北史袁充傳表曰皇帝載誕之初非止神光瑞氣嘉祥應感至於本命行年生月生日

並與天地日月陰陽律呂運轉相符表裏合會此  
誕聖之異實歷之元故知洪基長竿永永無窮

編讀漢書

原北史邢邵傳少在洛陽專以山水遊宴為  
娛不暇勤業嘗霖雨乃讀漢書五日畧能編

之

御前講論

增北史辛公義傳公義早孤為母氏所養親  
授書傳周天和中選良家子任太學生武帝

時召入露門學令授道義每月集御前  
令與大儒講論上數嗟異時輦慕之

讀左氏

增北史劉蘭傳年三十餘始入小學書急就篇  
家人覺其聰敏遂令從師受春秋詩禮於中山

王保安家貧無以自資且耕且學三年之後便白其兄  
求講說其兄笑而聽之為立費舍聚徒二百蘭讀左氏

五日一遍

兼通五經

畫圖享祭

增北史徐孝肅傳宗族數十家多以豪侈相尚唯孝肅儉約事親以孝聞雖在幼小宗黨

間每有爭訟皆至孝肅所平論短者無不引咎而退孝肅早孤不識父及長問其母父狀因畫工圖其形構廟

置之而定省焉朔望享祭

金鏡療目

增北史張元傳元年十六其祖喪明元恒憂泣晝夜讀佛經禮拜以祈福佑後讀藥師經

見盲者得視之言遂請七僧然七燈七日七夜轉藥師經行道每言元為孫不孝使祖喪明今以燈光普施法界願祖目見明元求代闇如此經七日其夜夢見一老翁以金鏡療其祖目於夢中喜躍遂即驚覺乃徧告家人三日祖目果明

禮佛跡

增支僧載外國事和訶條國有大山山有石井井中生千葉白蓮花井邊青石上有四佛跡月

六齋日彌勒菩薩  
與諸天神禮佛跡

陽城月俸

原唐書卓行傳陽城每約二弟吾所俸入而可度月食米幾何薪菜鹽幾錢先具之餘送

酒家無留也服用無贏副客或稱其佳可愛輒喜舉授之有陳裴者候其得俸常往稱錢之美月有獲焉

烏集

原唐書柳仲郢傳仲郢為諫議大夫後每遷必烏集升平第庭樹戟架皆滿五日乃散

織純

增唐書劉元佐傳元佐貴母尚在賢婦人也常月織純一端示不忘本

香山居士

原唐書白居易傳慕節惑浮屠道尤甚至經月不食葷稱香山居士嘗與胡杲吉收鄭據

劉真盧真張渾狄兼謨盧貞  
燕集人慕之繪為九老圖

學士召對

增翰林志德宗雅尚文學乘輿每幸學士院顧問錫賚無所不至御膳珍羞輟賜之召對

浴堂門移於金鑾殿對御起  
草賦詩習射或旬日不出

佛汗

增國史補汴州相國寺言佛有流汗節帥劉元佐  
遽命駕自持金帛以施之日中其妻子亦至明日

復起輸齋梵由是將吏商賈奔走道路惟恐輸貨不及  
乃令官為簿書籍其所入十日乃開寺門曰佛汗止矣  
所入蓋巨萬計悉以贍軍

破月

增沈佺期詩別離頻  
破月容鬢驟催年

素書一束

增杜甫詩夕客多枉朋友書素書一月幾  
一束虛名但蒙寒溫問泛愛不救溝壑辱

逐月

增白居易訓元郎中詩終身擬  
作卧雲伴逐月須收燒藥殘

路神通

增西陽雜俎成式門下騶路神通每軍設力能  
戴石簷靴六百斤石齧破石粟數十背割天王

自言得神力入場人助多則力生常至朔望日具乳糜焚香袒坐使妻兒供養其背而拜焉

鳴石山

增晉太康中逸士田宣隱於巖下葉風霜月常

拊石自娛

放獺

增西陽雜俎唐元和末均州鄖鄉縣有百姓年七

於深溝斗門內令饑然後放之無網罟之勞而獲利甚厚令人抵掌呼之羣獺皆至緣衿藉膝馴若守狗

三日主印

原唐詩紀事牛僧孺赴舉投贄於劉補闕禹錫對客展卷飛筆塗竄其文歷二十餘歲劉

轉汝州公鎮海南枉道駐旌信宿酒酣賦詩劉方悟往年改公文卷僧孺詩曰莫嫌恃酒輕言語曾把文章謁後塵禹錫和云猶有當時舊冠劍待公三日拂埃塵牛公吟和詩前意稍解曰三日之事何敢當焉注宰相三

朝後主印可以  
升降百司也

九芒珠索

增雲仙雜記王武子以九芒珠穿為  
紉索編華架用之每月洗以鯉魚涎

無塵子

增高士春秋方鎔隱天門山以樓櫺  
葉拂書號曰無塵子月以酒脯祭之

半月如齋

增姑臧記錢芸士好讀離騷手  
不暇揭忘去肉味半月如齋

七聖畫

原宣室志雲光寺有七聖畫初有少年兄弟七  
人至寺閉室畫之曰七日慎勿啓門至六日發

其封有七鴿飛去西北隅  
未畢畫工見之曰神筆也

虹霓入庭

增祥驗集韋舉鎮蜀嘗宴客郡西亭暴風雨  
俄頃而霽忽虹霓自空而下直入庭垂首於

筵上吸飲食且盡紅碧相映  
後旬餘有詔就拜中書令

讀三史

增宋史張方平傳少穎悟絕倫家貧無書從人假三史旬日即歸之曰吾已得其詳矣凡書皆

一閱不

再讀

三七齋

原燕翼貽謀錄北俗遇月三七日不食酒肉蓋重道教之故而七夕改用六日

給山水香

增清異錄道士談紫青有異術閩王昶奉之為師月給山水香焚之香用精沉上火半爇

則沃以蘇合油

硯務官

原歐陽修試筆南唐有國時於歙州置硯務選工之善者命以九品之服月有俸廩之給號硯

官務

坐春風中

原伊維淵源錄朱光庭見程明道於汝州語人曰在春風中坐了一月



鄉約三籍

原朱子增損呂氏鄉約凡鄉之約四一曰德業相勸二曰過失相規三曰禮俗相交四曰

患難相恤衆推有齒德者一人為都約正有學行者二人副之約中月輪一人為直月置三籍凡願入約者書

於一籍直月德業可勸者書於一籍過失可規者書於一籍直月掌之月終則以告於約正而授於其次

筆寶

增成都古今記西蜀聖壽寺僧楚安妙畫山水須一旬以來方就一扇收得其筆謂之筆寶

訓誠諸婦

原柳氏家訓旦望諸婦拜堂下訓誠曰人家兄弟無不義者盡因娶婦爭競長短偏私以

致分割背戾男子剛腸有幾不為婦言所惑耶

僧繇畫

增宣和畫譜閻立本嘗至荊州視僧繇畫曰定虛得名耳明日又往曰猶是近代佳手明日又

往曰名下定無虛士生卧觀之留宿其下十日不能去

日用物數

原呂居仁官箴榮陽公為單州凡每月所用雜物悉書之庫門買民間未嘗過此數民皆

服悅

餽酒六壺

原後山詩話東坡居惠廣守月餽酒六壺吏嘗跌而亡之坡以詩謝曰不謂青州六從事

翻成鳥有  
一先生

墨壽月計

原唐庚古硯銘筆之壽以日計墨之壽以月計硯之壽以世計其故何也其為體也筆最

銳墨次之硯鈍者也豈非銳者夭而鈍者壽乎

輪挑背書

增鄭氏家範子弟已冠而習學者每月十日一輪挑背已記之書初次不通去巾一日再

則倍之三則分紛如未冠時通則復之

推旦日甲子

增仕宦紀聞欲知每歲逐月旦日是何甲子但取九年前次月望日即是後九年前

一月旦日  
毫髮無差

月讀一箱

增碧溪詩話杜牧寄小姪阿宜詩一日讀十紙一月讀一箱古人讀詩以紙計范雲就袁

叔明借毛詩日誦九紙又袁俊家貧無書每從人假借必皆抄寫自課日五十紙為計

月六參

增雞林類事高麗國官月六參文班七百十員武班五百四十員六拜蹈舞而退國王躬身還

禮稟事則膝行而前得旨復膝行而退至當級乃步

貓齧鼠

原本草綱目貓能畫地卜食隨月旬上下齧鼠首尾

子孫列拜

原洞微志太平興國李守忠為承旨奉使至瓊州界道逢一翁自稱楊遐舉年八十一邀

守忠詣所居見其父曰叔連年一百二十二又見其祖  
宋卿年一百九十五語次見梁上雞窠中小兒頭下視  
宋卿曰此吾前代祖也不語不食不  
知其年朔望取下子孫列拜而已

印度小盡

增嬾真子錄中國節氣與印度遞爭半月中國  
以二十九日為小盡印度以十四日為小

盡中國之十六日乃  
印度之初一日也

陽會

增瑯嬛記採蘭雜志云九為陽數古人以二十九  
日為上九初九日為中九十九日為下九每月下

九置酒為婦女之歡名曰陽會蓋女子陰也待  
陽以成故女子於是夜為藏鉤諸戲以待月明

洗兒會

增東京夢華錄育子至滿月大展洗兒會親賓  
盛集煎香湯於盆中下果子綵錢葱蒜等用數

丈綵統之名曰圍盆以釵子攪水謂之  
攪盆觀者各撒錢於水中謂之添盆

六齋日

原提謂經每月八日十四日十五日二十三日二十九日三十日皆是天地用事上下弦望朔

晦祿命上計之日故於此日持齋自校使不犯禁增扶南國俗扶南之西南有林陽國土地奉佛有數千沙門

持戒六齋日魚肉不得入國

三齋日

增明真科月一日十五日二十九日此月中三齋日

佛心如月

增法苑珠林初發心如月十日一生補處心如月五日不退轉心如月

十四日如來智慧如月十五日

行道轉經

增法苑珠林唐貞觀三年春奉詔令僧尼每月二十日行道轉仁王等經官給齋供用為

常法

十地菩薩

增法苑珠林初地菩薩猶如初月光明未顯然其明相皆悉具足二地菩薩如五日月三

地菩薩如八日月

四地菩薩如九日月五地菩薩如十

日月六地菩薩如十一日月

七地菩薩如十二日月八

地菩薩如十三日月

九地菩薩如十四日月

十地菩薩如十五日

月圓滿可觀明相具足

行氣

增雲笈七籤行氣常以月一日至十五日念氣從手十指出十六日至三十日念氣從足十指出久

之自覺氣通手足行之不止身日輕強氣脉柔和榮衛肢節長生之道在於行氣靈龜所以長存服氣故也

嚙日精

增雲笈七籤食日之精常以月一日二日五日七日日九日十一日十三日十五日日初出時被

髮向日瞑目念心中有一小童子衣絳衣文彩五色灼灼正赤兩手掌中亦正赤以兩手掌摩面下至心止十二反為之念天日精正赤黃氣來下在目公入口中咽之一九以手摩送之拊心祝曰景君元陽與我合德俱

養絳宮中小童子須臾復念心下至丹田中止  
以手摩送之以日托心心心得日精已乃神仙矣

候斗魁

增雲笈七籤以月三日二十七日夜竊候北斗  
魁中第八帝星高上玉皇神八景靈元君第九

尊星太微玉帝君神太素七晨元君此星紫光煥煥甚  
大見者各隨見之名呼之再拜叩頭請乞見一星增年  
三百見二星  
增年六百

真官下日

增雲笈七籤明真科云甲子日夜半時甲戌  
日黃昏時天皇真官下日甲申日晡時甲午

日中時地皇真官下日甲辰日食時甲寅日平旦時  
人皇真官下日其日修齋五岳四瀆神君無不上聞又

丁卯日日出時丁丑日雞鳴時天皇真官下日丁酉日  
日入時丁亥日人定時地皇真官下日丁未日日昃時

丁酉日禺中時人皇真官下日其日修  
齋五岳真人各遣五神營衛記名仙錄

鍊形

增雲笈七籤朔望之日日中時瞑目南向心存兩

相遠合為一氣以貫一身須臾內外洞徹如火光之狀良久乃叩齒十四通嚥液十四過畢此鍊形之道除尸蟲之法也久而行之體有五香之氣目明耳聰長生不死

還精絳宮

增雲笈七籤還精絳宮之中法常以月一日十五日晦日以日初出時被髮東首向日卧

以左手摩兩乳間下至心九反而止月三日為之神仙之道也

制七魄

增雲笈七籤制七魄法月朔月望月晦之夕七魄流蕩遊走穢濁道士當制而厲之陳而變之

御而正之攝而藏之

六甲旬三素雲

增雲笈七籤甲子上旬戊辰己巳之日清旦西北望有紫青黃雲者是為太極



真君真人三素雲也其時太極真君太極真人乘元景  
綠輿上詣紫微宮九見太極輿者則白日昇仙甲寅上  
旬戊午已未之日清旦正東望有朱碧黃雲者是為太  
虛上真人三素雲也其時太虛上真人乘徘徊玉輦上  
詣太微天帝君十五見之者則白日昇仙甲辰上旬戊  
申已酉之日清旦西南望見紫綠青雲者是為上清真  
人三素雲也其時上清真人乘元景八光丹輦上詣高  
上九天帝君四見之者太一來迎白日昇仙甲午上旬  
戊戌已亥之日清旦正南望有素赤黃雲者是為南極  
上真赤帝君三素雲也是時南極上真赤帝君乘絳琳  
碧輦上詣闕風臺十過見之則白日昇仙甲申上旬戊  
子已丑之日清旦正西望見白赤紫雲者是為太素上  
真白帝君三素雲也其時太素上真人白帝君乘脩條  
玉輦上詣玉天元皇高真也十四過見之則白日昇仙  
甲戌上旬戊寅已卯之日清旦東北望有赤白青雲者  
是為扶桑大帝君三素雲也其時扶桑公大帝君乘光

明八道之輦上詣太微宮七見之  
者則白曰有雲龍見迎而昇天也

齋五卯

增真誥五卯之日當齋心存  
神念氣常如此者玉女侍降

阿德納

增續文獻通考哈喇在肅州西無正朔不用甲  
子以七日為一周擇日用事則以第一日名阿

德納為上吉凡  
拜天聚會用之

三浣

原丹鉛錄俗以上浣中浣下浣  
為三浣蓋本唐制十日一休沐

市日

增帝京景物略大明門左右日日市曰朝前市東  
華門外歲燈節十日市曰燈市東華門內月三日

市曰內市正陽橋日景市曰窮漢市  
城隍廟月朔望二十五日日市曰廟市

花兒匠

增六街花事豐臺種花人都中目為花兒匠每  
月初三十三二十三日以車載雜花至槐樹斜

街市  
之



御定月令輯要卷三